

fidem, annulum sibi per noctem a Divo traditum, e sinu protulit. Defixit primo omnes qui aderant miraculi magnitudo: inde publicæ privatæque gratulationes cœlitibus ipsis circa aras habitæ, quorum præsentī periculo civitas liberata esset. Seni stipendium ex publico decretum. Per id tempus legati ab Edoardo Britannię Rege Venetias venire, maritima auxilia petentes adversus Philippum Galliæ Regem, cui Genuenses enixe favebant: nec, quamvis Regis nomine multa pollicerentur, auxilia ulla impetrarunt. Docuere Patres in quanto discrimine esset imperium maris, quod a Turcorum incurſibus vix affiduis expeditionibus tueri possent: tantum Christianorum desideria eorum vires invaluisse, dicere, ut ducentas longas naves, ac quum paululum adniti vellent, trecentas in Christianum nomen instruerent. Cretenses quidam reguli circa hæc tempora rebellant: hi arces & castella in montanis locis tuentes magnam insulæ partem infestabant. Ad eorum motus comprimendos vis peditum ingens missa est: quibus in naves longas, quæ ad Cypriam negotiationem exhibant, impositis, Nicolaus Phalerius, Justinianus Justiniani cognominis, & Andreas Maurocenus præfuere. Ubi vero in insulam ventum est, tripartito in hostes movere: qua maxime opus fuit, sese hostium conatibus objicere, occurrere ubique illis, nihil tutum eis relinquere, nullam prorsus prædandi occasionem. Edictum ad hæc præposuerunt, ut quicumque rebellium regulorum aliquem aut obtruncasset, aut vivum ad Veneti magistratus præsentiam perduxisset, non parvam in singula capita mercedem acciperet: verum quam magna præposita sit, auctores quos vidimus non tradunt. Paucis itaque diebus in Venetorum potestatem redacti meritis sui sceleris pœnas luerunt: multi aquis merſi, plures suspendio necati. Quæ res effecit, ut insulani regulorum supplicio territi, ad imperium brevi postea redierint. Pacata insula, copiarum Præfecti, Nicolao Phalerio defuncto, Venetias redierunt. Ingens annonæ caritas toto Gradonici Principatu in urbe fuit: sed ducatus ille admodum brevis: quippe qui duos annos & menses novem non excessit. Ille quum tantisper Rempublicam administrasset, ex humanis decessit: corpus ejus in Auræ ædis vestibulo est situm.

*Cretenses
rebellant.*